

*Vera obseruatio*

*Falsa & fallax obseruatio*

*Casus contra Cometarios*

*Visum lucidum in Cassiopea*

multa, Erastus etiã non pauca. Ego quoq; non nihil dixi & dicã. Obseruatio euẽtus tum est vera, cũ videmus fieri multa post aliquã rẽ, quæ semper fiunt post rẽ eandẽ, & nunquã accidãt, nisi ea prius existente. Quod si colligas euentus multos post aliquod naturæ opus, qui ijdẽ euẽtus citra hoc ipsum accidant, & sepe maiores ac numero plures, quæ ratio obseruandi? Narrant post aliquod Cometas bella, cedes accidisse. Ergo à Cometa hæc sunt? Nugatoria sanẽ argumẽtatio. Nã ego cõtrã, prælia innumerabilia, seditiones, cedes, pestes, terrę motus, obitus heroũ afferã nullo viso Cometa. Ergo hæc damna non à Cometa. Traiano post Neruam imperatore in Cypro insula, in Aegypto, supra quadraginta hominũ milia caesa sunt. Cometa nullus. Adriano etiã imperãte post Traiani obitũ quingẽta milia Iudæorũ à Romanis trucidata sunt. De Cometa nulla mẽtio. Et si fuisset, nullus mortaliũ istas clades à Cometa vel indicatas vel effectas fuisse probare potest. Per annos uiginti vexatur Gallia, uastatur, funestatur intestinis & perpetuis bellis: quot hominũ milia demersa aquis, ferro trucidata sunt? Si quotannis præcipuus in eo regno imminẽs Cometa visus fuisset, vix iure suspicari deberẽt id à cœlesti quadã luce fieri posse. Tamẽ sine minis vllis Cometæ in Gallia partim peste, partim ferro ad uicies cõtina millia hominum 10. annis extincta sunt.

Vidit Europa, anno abhinc quinto, in Cassiopea stellẽ formã insignẽ. Quãta iudiciorũ varietas. Erant qui stellã veram dicerent: aliqui Cometam. Vtra pars veram sciebat? Omnes asseuerabant, opinabantur, leuibus coniecturis & ridiculis adducebantur. Et qui scripserũt, etiam docti magniq; nominis viri, portentum felix & faustum omnes putarunt. Vidi ego quorundam versus, nomina omitto. Si lusus appelles, nõ erres. Etenim sepe ludimus, & ludimur simul, cũ seriõ nos agere censemus. Canebãt esse stellam alteram post Christi Seruatoris natalẽ, secũdũ redẽptoris aduẽtũ appropinquare Magos, principes

ac